

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Y.B. TUAN V. SIVAKUMAR [BATU GAJAH]

TARIKH : 24.11.2014

SOALAN :

Tuan V. Sivakumar [Batu Gajah] minta **MENTERI PENDIDIKAN** menyatakan semua cadangan yang dibuat oleh Jawatankuasa Khas Mengkaji Kurikulum Sejarah dan Buku Teks Sekolah Menengah yang mempunyai 10 orang panel. Bilakah cadangan yang disarankan oleh Jawatankuasa Khas itu akan diterima dan diserapkan dalam sukatan mata pelajaran Sejarah di sekolah.

JAWAPAN

Tuan Yang di-Pertua,

Jawatankuasa Khas Mengkaji Kurikulum Sejarah dan Buku Teks Sekolah Menengah telah mengemukakan hasil dapatan dan cadangan kepada YAB Timbalan Perdana Menteri merangkap Menteri Pendidikan Malaysia pada 15 Mei 2013. Sehubungan dengan itu, dua jawatankuasa telah ditubuhkan iaitu:

- a. Panel Pakar Rujuk Kurikulum Sejarah dan Buku Teks Sejarah yang melibatkan tokoh akademik daripada pelbagai kepakaran dalam bidang ilmu sejarah sama ada sejarah negara mahupun sejarah negara luar.

- b. Jawatankuasa Kerja Penambahbaikan Mata Pelajaran Sejarah yang melibatkan pegawai-pegawai Bahagian di Kementerian Pendidikan.

Untuk makluman Ahli Yang Berhormat, hasil dapatan dan cadangan yang berkaitan dengan kurikulum, buku teks, data guru opsyen, bahan dan program sokongan, pemantauan pembelajaran dan pengajaran mata pelajaran Sejarah, pengurusan panitia Sejarah, penilaian dan pentaksiran, kursus latihan guru pra perkhidmatan dan dalam perkhidmatan serta program bimbingan/intervensi peningkatan prestasi akademik mata pelajaran Sejarah telah, sedang dan akan dilaksanakan dengan mengambilkira semua perkara yang disarankan oleh Jawatankuasa Khas.

Selain itu, Jawatankuasa Kerja ini juga telah bekerjasama dengan pihak Arkib Negara dan Muzium Negara selaras dengan cadangan yang dikemukakan oleh Jawatankuasa Khas iaitu memperkasa peranan Arkib Negara dan Muzium Negara dalam memartabatkan pendidikan sejarah.